

Službeni glasnik BiH, broj 4/23

Na osnovu člana 17. stav 1. i člana 44. stav 1. Zakona o Visokom sudskom i tužilačkom vijeću Bosne i Hercegovine ("Službeni glasnik BiH", br. 25/04, 93/05, 48/07 i 15/08), a u vezi sa članom 61. Poslovnika Visokog sudskog i tužilačkog vijeća Bosne i Hercegovine ("Službeni glasnik BiH", br. 55/13, 96/13, 46/14, 61/14, 78/14, 27/15, 46/15, 93/16, 48/17, 88/17, 41/18, 64/18, 12/21, 26/21, 35/21, 68/21 i 1/22), Visoko sudsko i tužilačko vijeće Bosne i Hercegovine je, na sjednici održanoj 22.12.2022. godine, donijelo

ODLUKU

O IMENOVANJU SUDIJE U SUD BOSNE I HERCEGOVINE

I. Za sudiju Suda Bosne i Hercegovine imenuje se **Janjić Miroslav**.

II. Imenovani stupa na dužnost 16.01.2023. godine.

III. Ova odluka stupa na snagu danom donošenja i biće objavljena u "Službenom glasniku BiH" i na internet stranici Vijeća.

Obrazloženje

Visoko sudsko i tužilačko vijeće Bosne i Hercegovine (u daljem tekstu: Vijeće) je dana 04.05.2022. godine, objavilo javni konkurs, broj 04-07-3-1614-1/2021, kojim je, između ostalih pozicija, oglašena i jedna (1) pozicija sudije Suda Bosne i Hercegovine.

Nakon provedene konkursne procedure, nadležno podvijeće je izvršilo finalno rangiranje kandidata, te je Vijeću dostavilo rang listu kandidata sa obrazloženim prijedlogom za postupanje.

Razmatrajući zaključenu rang listu kandidata i utvrđeni broj bodova, kao rezultat ocjenjivanja svih kriterija propisanih Zakonom o Visokom sudskom i tužilačkom vijeću Bosne i Hercegovine (u daljem tekstu: Zakon o VSTV-u BiH) i Poslovníkom Visokog sudskog i tužilačkog vijeća Bosne i Hercegovine (u daljem tekstu: Poslovník VSTV-a BiH), Vijeće je odlučilo da za poziciju sudije Suda Bosne i Hercegovine imenuje kandidata pod rednim brojem 1 na rang listi, Janjić Miroslava.

Vijeće je nakon ocjene stručne sposobnosti kandidata zasnovane na dosadašnjim rezultatima u karijeri, sposobnosti pravne analize, komunikativnosti i sposobnosti prezentacije, sposobnosti kandidata da

odgovorno, nezavisno i nepristrasno obavlja funkciju sudije, uzimajući u obzir, između ostalog, dosadašnje radno iskustvo kandidata, profesionalnu nepristrasnost i ugled, ponašanje van posla, edukaciju i usavršavanje, te druge aktivnosti u struci i ocjene kriterija podobnosti, ocijenilo da imenovani kandidat u potpunosti ispunjava uslove za imenovanje propisane u članu 43. Zakona o VSTV-u BiH.

Shodno navedenim kriterijima kandidat je u toku konkursne procedure ostvario ukupno 120,8 bodova od mogućih 125 bodova, čime je ostvario potreban uspjeh u smislu člana 59a. stav (1) tačka a) Poslovnika VSTV-a BiH, kako bi bio predložen i imenovan za poziciju sudije Suda Bosne i Hercegovine.

Imenovanje navedenog kandidata, pored najviše ostvarenih bodova u konkursnoj proceduri, opredijelila je i činjenica što je dugogodišnji nosilac pravosudne funkcije sa izuzetno uspješnim rezultatima rada, koji trenutno obavlja funkciju tužioca Tužilaštva BiH, od 2013 godine. Prije navedenog perioda obavljao je funkciju tužioca Kantonalnog tužilaštva Kantona Sarajevo te funkciju stručnog saradnika u Tužilaštvu Bosne i Hercegovine.

Pored navedenog, Vijeće je vodilo računa o potrebi osiguranja adekvatne nacionalne i spolne zastupljenosti u navedenom sudu, u smislu člana 43. stav (2) Zakona o VSTV-u BiH.

Imajući u vidu sve iznesene razloge, Vijeće je odlučilo kao u izreci ove odluke.

Broj 04-07-3-4126-1/2022
22. decembra 2022. godine

Predsjednik VSTV-a BiH
Halil Lagumdžija